

مستطابق

در سعادتده باب عالی جوارزنده
دايره مخصوصه

محل اداره :

اخطار :

مسئله مزه موافق آثار جديده مع المنزليه
قبول اولونور
درج ايديني آثار اعاده اولونور

ديره، فلسفه، علوم، حقوق، اديان و سياسيات و باظاھ كرك سياسی و كرك اجتماعي و مدنی احوال و شئونه اسلاميه در بحث ايدر و هفته در نشر انور.

آبونه بدلی

صاحب و مؤسلسری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

| | | | |
|---------------------|-----|-----|-------|
| ممالک عثمانیه ایچون | ۸۰ | ۴۰ | غروش |
| روسیه | ۶۰۰ | ۳۰۰ | روبله |
| سائر ممالک اجنبیه | ۱۷ | ۹ | فرائق |

تاریخ تأسیسی

قبرله دن مقوا بورو ایله کوندریلیرسه سنوی

۱۰ تموز ۳۲۴

۲۰ غروش فضله آلتیر

عدد : ۷۲

۸ محرم ۳۲۸ پنجشنبه ۷ کانون ثانی ۳۲۵

اوچنجی جلد

تاریخ اسلامیت

بو یله بر ساخته عنوانه دیات جلیله اسلامیه علمینده نشر اولونان ترکیه، مصرده مطبوع بر جزویت کتابی مصادف اطلاع عاجزی اولدی. لسان اجنیدن مترجم ایمش. تعرضات بی ادبانه، ترهات خباثتکارانه ایله مشحون بولنان بوائز که یار هانکی بر منک پیشگاهنه قونلسه در عقب کمال تنفر و استحقار ایله یره فی راته جنی آزاده ارباب و مترجم ناشیرینه قارشلی یاغدیریله جق لغتدرده بی حسابدر.

اخبار و اجانب جانبدن دین مبین اسلام حقننده اغراض معهوددن طولانی نشریات سفسطه کارانه به دوام اولندیفی معلوم ایسه ده بونک استغراب اولونه جق جهتی بوقدر. فقط بو اوراق خبیثه نك دین عالی و قرآن کریم ایله بی ذیشان علیه صلوات الرحمن اقدمز حضرت تلمی حقننده غایت مستخفانه و مفتریانه تجاوزات و اسناداتی احتواسیله برابر نشرینه توسط ایدن شخص بی وایه نك دعوا ای اسلامیتده بولونمسی و اثر باطلنی بر تاریخ حقیقی اولوق اوزره دین قارداشیرینه ! اتحافله افتخاره یلتمه سی فوق العاده داعی حیرت و غرابتدر. باقنکر ده دیباجه ده نه هذیانلر صاوور بیور :

« حقیقی تاریخ آینه نما بر فوطوغراف لوحه سی کیدر. بو یله اولیان و تاریخ نامی ویریلن کتابلر یا غافلانه یا خود غافل شکارانه آثار دندر.

حقیقی تاریخ نامنک لوازم و مخصوصاتی حائر بر تاریخ اسلامیت وجوده کتیر یله رك دین قارداشلمزك بیش اطلاع و ملاحظه سنه عرض ایدنک لازمدی. وجوده کتیر یله رك دیوروز. چونکه اوج مهم لسان اسلام اولان عرب و فارس و تورک دیلدرنده یازلمش بو یله بر تاریخ بولمادیغنی تحقیق ایتدک. بو یوقسوللغک سببی از جمله مسلمان حکمدارلرینک

استبدادنده آراملی. تاریخ اقسام علومک که زیاده کوز آچانیدر. کوز آچقلغیله استبداد و اغفالک بر یرده یا شایه به جنی عیاندر.

ایشته ایلروده سرد و اتیان ایده جکی ملعت و تلیساتی عوام ناسه یوتدوره بیلیمک ایچون مترجم متجاسر اولا بو مقدمات دلفریبانه ایله بالجله تواریخ اسلامیه بی، و نائق علمیه بی نظر اعتباردن دوشورمکه یلته نیور، سپر و شمائل نبویه ایله مسلك کزین اصحابی و احوال جدیدت مال خلفای عظامی سختوی اولان مدونات اسلامیه نه قدر قدیم و معتبر اولورسه اولسون، سند صحیح، غننه موصوله و موثوقه به مستند بولنورسه بوانسون اونک نظرنده لاشی منزله سنده ایمش. تاریخ و سیر انبیاه دأثر السنه ثلثه اوزره تألیف اولنان آثار قدیمه و جدیده اسلامیه سرایا مخالف حقیقت و مغایر جدیدت افسانه لردن عبارت عد اولنورمش. ایچون؟ چونکه بونلری اورته به قویان میسیونرلر دک، بلکه مسلمانلر ایمش. مسلمانلر ایسه عصر سعادت پیامبریدن اعتباراً کاملاً مستبدان و ظلمه الیرنده اسیر و مجبور مداهنه ایملر، درون کتابده صاچه جنی افک و افترا لره نظراً افراد مسلمین دینلرینک اساسی اولمادیغنی، پیغمبرلرینک « حاشا » ساخته کار و معجزات جلیله و سیر پاک محمدینک دوزمه شیلر اولدیغنی بیلمز لر و حقائق احوالی فرق ایتمز لر مش، جمله سی خیالاته ظالمش لر، غفلت و جهالت و ادیلرنده بویان اولوب قالمش لر (نعوذ بالله من الخذلان و من الکفر بعد الایمان)

ایشته بو مجاهر بی اذعان بو یله ادعا ایدیور. نه قدر تاریخ اسلام، مستندات دینی و ارایسه هپسی ساخته در، خافلاننه یا خود غافل شکارانه در، دیور. یعنی مدونات اسلامیه نك بر قسمی جاهل لرك، علی الغفله معجزات نبویه به حقیقت نظر یله باقائلر، رسالت احمدیه به صورت جدیده معتقد بولسانلرک، قسم دیکری ده کندیلری حقائق احواله آگاه اولدقلری

حالدہ آحاد ناسی دام مکر و اغفالہ دوشورمک، اولنرک بی اساس اولان اعتقاد لرینی محافظ، ایله صفوتارندن استفادہ ایتک فکرندہ اولانلرک محصول اقلامیدر، دیمک ایستہ یور.

وای کیدی تاریخ شناس!... وای کیدی واقف احوال ناس!... آثار جلیله سیله بوتون عالم مدنی تی تزیین، مائر فاخره سیله اقطار جهائی تنویر ایتکده اولدینی یار و اغیارک تحت اعترافندہ بولنان بالجمله اساطین علمای اعلامی، اکابر حکمای اسلامی بودرک عجز و مذلتہ تنزیله چالشمق طوغروسی جرئت اولنور جنبایت بردن دکلدرد. فقط تربیة دینیہ دن محروم اولان انسان بمضاً زخارف دنیایه مجلوبیت، بعضاده محض جهت یا خود بوال بئر زمزم کبی نه صورتله اولورسه اولسون آرزوی احراز شهرت سائقه سیله (العیاذ بالله) توکلری اورپردہ جک، حوصله بشمره ضغیہ جق حالات و معاملات ارتکابندہ جسارت ایدیور. بنا برین بوجرئت جانبیانه دن طولانی عارض اولان حیرت و استغراب عمزی ملاحظت مزبورہ ایله تخفیفه غیرت ایتدکن صوکره صدده رجوع ایدیور.

بالاده منقول عبارات سخیفه مفاسد پرورانه دن اوج نوع ادعای غریب بارز اولمقدہ درک هربری دیکرینه مترتب اولیور (۱) حقیقی تاریخ اسلامیت وجوده کثیره رک دین قرداشلره اهدا ایتک ایستہ نیورمش [*] (۲) چونکه کتبخانه اسلام بویله برتاریخدن کلیاً محروم ایش (۳) زیرا عصر سعادت نبری بین المسلمین توالی ایدن استبداد حکمداران حق و حقیقت ذکر و بیاننه میدان ویرمزش.

یکدیگری مروج اولان بوادعالمک هیچ بری طوغری دکلدرد. هله برنجینک بطلانی میدانده در. زیرا وجوده کثیردیکی، آثار اجنبیه دن سچوب چیقاردینی، بالانتخاب ترجمه و نشر ایلدیکی شی تاریخ اسلامیت دکل، بالعکس تحریف اسلامیت و تلبیس حقیقت غرض فاسدیلہ اورته یه قونمش الک مدهش برتاریخ ملعنت، مجموعه اکاذیب، هر معناسنجه بازیمجه جهالت اولدینی هر هانکی صحیفه سنه ادنا مرتبه عطف نظر ایله آشکار اولور. ایستہ بویله بر محصول مفسدت، اعدای دین طرفندن اختراع ایدلمش اوراق تزویر و مکیدت - اغفال عوام امل باطلیلہ - دین قارداشلرم عنوان کاذبیلہ یاد اولنسان اهالی اسلامیه یه تاریخ حقیقی اولمق اوزره تقدیم و توصیه اولنیور. آرتق بوندن دهها ساخته دعوا ی اخوت، دهها نفاقجویانه حرکت فصل اولور بیله میوز.

ایکنجیسی ده واضح البطلاندر. زیرا کتبخانه اسلامیتده السنه ثلثه اوزره تدوین اولمش بی نهاییه آثار تاریخیه موجوددر. بونلرک [*] اثر مزبورک عالم اسلامیتجه قبول و استفادہ اولسون، محض حقیقت دبیہ تلقی ایدلسون مقصدیلہ نشر اولندیغنه عبارات آتیہده دلالت ایتکده در. دردنجی صحیفهده « اوصاف مطلوبه بی حائز بر تاریخ اسلامیتی هولاندالی دو قنور « دوزی » نک آثار فاضلانہ سی آراسنده بولدق. بویوک برحاطه نظر و درین برامعان کوستر مکله ممتاز و قطعاً بیطرف بر عقل سلیم محصول اولان بو کتابی نورکجه یه نقل ایتدک « دیور. ۷ نجی صحیفهده شویله بر توصیه وار: « بوکون اهل اسلام ایچون تاریخ اسلامیتدن دهانافع، مطالعه و ملاحظه سی دهها زیاده قطعی الزوم برکتات یوقدر، اعتقادندہ یز. خرافات و اغفالات ایله درلو آثار غافلانه و یا مغلانہ نک موسم رواجی سایه فیض تکاملده چوقدن کچدی »

ایچنده کمال تدقیق و جدیت اوزره بیطرفانه یازلمش، یکدیگری مؤید و مصدق بیکلرجه کتب معتبره بولمقدہ در. محاکمات عمیقہ بی محتوی تاریخ ابن خلدون و من القدیوم اوروباده و اخیراً مصرده طبع و نشر اولنان تاریخ طبری و برلینده طبیی اکمال اولمق اوزره بولنان طبقات ابن سعد ایله تاریخ ابن اثیر و معجم البلدان و آثار عدیة امام مسعودی کبی مدونات عظیمه یار و اغیارک انظار دقت و اعتبارینی، ارباب بصیرت و ادراک اعتماد و اطمینانی جلب و استحصاله کافی اوله جنی قابل انکار میدر؟

بالخاصه سیر نبویه و احادیث شریفه دهها قرن اولده اسانید صحیحه ایله ضبط و احاطه ایدلمش و بوتون تفصیل و تفرعاته وارنجیه غایت مدققانه برطرزده بالجمله آفاق اسلامیه یه نشر و افاضه قلمشدر. خصائص اسلامیه دن اولان اتصال سند سایه سنده ادوار اسلافده کذران اولان وقایعک کافه سی تماماً مضبوطدر. هیچ بر ملتک تاریخ قدیمنده بو درجه انتظام رونما اولممشدر. ائمه احادیثک اقوال و افعال و تقاریر نبویه بی جامع اولان سنت و سیرت محمدی حقیقیکی تدقیقات موشکافانه لری حیرت افزای ارباب و قوفدر. فقط بو طاقم آثار اسلامیه دن بردانه سی بیله الله آلماش، عمرنده مجالس علما ایله نشرف ایتهمش اولان جاهلک بو جهت لردن بی خبر قالوبده آثار اجانبیدن استفادہ یه یلتنه جکی امر طبیعیدر. اوله آدمک وجوده کثیره جکی اثرده ایستہ بویله یوز قاره سی اوله بیلیر.

اوجنجی ادعائک بطلانی ده وارسته ایضاحدر. چونکه حکمداران اسلام ایچنده جور و استبداد اربابی بولمش ایسهده من القدیوم تدوین و نشر ایدلمش بولونان تفسیر و حدیث و تاریخه طائد بیکلرجه کتب اسلامیه بی اورته دن قالدیرمغه تشبث ایدن کورلمش دکلدرد. ذاتاً بونک دائره امکانده اولمادینی آشکاردر. معارف و حقائق اسلامیه بوتون دنیایه انتشار ایتدیکی حالده بر اقلیمده بولنان بر خلیفه یا خود بر پادشاه و یا والی بویله بر تشبث مجنوناندهده بولنه جق اولسه ایدی نه یا یغنه مقتدر اوله بیلیردی.

حقیقت حال میدانده در. هر مؤثرک ماهیتی آثار ایله بللی اولور. دهها قرن اوله تألیف اولنان کتب سیر و احادیث منیفه کاملاً بوکون ایدی مسلماننده تداول ایتکده در. استیلای کفار ایله بعض ممالک اسلامیهده خیلی آثار علمیه احما و اتلاف ایدلمش، بر چوغی ده دیار اجنبیه یه کورتورلمش ایسهده امهات علوم اسلامیه اولان آثار قدیمه اسلاف تعمیم انتشار لری حسبلله تعرضدن مصون قلمشدر. بالفرض سائر مؤلفات و آثار تماماً اورته دن قالدیرلمش اولسه ایدی بیله حائز اولدینی تواتر قطعی و حمایه سبحانی سایه سنده محفوظیتی تأمین اولونان قرآن باهر البرهان ایله بالذات مؤلف لردن بی نهاییه ذوات طرفندن اخذ و تلقی ایدلمش، بوتون جهان اسلامیتده شایع و منتشر اولمش بولنان کتب سنه احادیثک تمادی موجودیتی بالجمله حقائق دینی و احوال تاریخیه مرکز هر درلو شهیدن وارسته اوله رق علی توالی الاعصار ثبوتنه کفایت ایده جکی امر آشکاردر.

جاهلدر . چونکه اساساً علمی ، فضلی اولدینی حالدہ بویله بر ادعاده بولنورسه خلق او ادعا ایتدیکی علمک ، یاخود فضلك ظاهرده بر اثرینی کورده میجکی ، یعنی او آدم عمومک نفعنه خادم بر تألیف میدانه کتیره مش ، بر حقیقت کشف ایتمه مش ، بر مشکل حل ایله مش اولمقله برابر هر کس مدعاسنی تصدیق ایدیور ظننده بولندینی ایچون شو حقیقتدن غافل اولیورکه انسان مسموعاتی مشهوداته تطبیق ایتک فطره تنده در ؛ بناء علیه ایشتمدیکنی کوردیکنه مطابق بولندینی کبی بوتون او مسموعاتی صاحبک یوزینه چارپاره ، بوصورتله حریفک دعواسنی کنندی علیهنه دونه رک خلقک نظرندن دوشمسنه سبب اولور . کذلک کندیبری بوسبوتون مخالف بر جهته متوجه اولدقلمی حالدہ خلقی باشقه برغایته ارشاد ایتک استیهرک موفقیت امیدنده بولنانلر شهبه سز غفلت محض ایچنده قالمش جهل مرکب اربابیدر . زیرا بیلیمورلرکه افعال اقولدن قات قات مؤثردر . اوت ، سوز هم صدقه ، هم کذبه محتمل اولدینی ایچون سامع قبولده متردد بولنور ؛ لکن ایش بویله اولیوب بر امر مشهود اولدینی ایچون قارشیننده کنه حقیله تأثیر ایدر ، نفسنده برانطباع حاصل ایلرده امتثال ایچون بر حرکت حصولی مؤدی اولور .

کنندیننده موجود بر نقصانی بشقه سنده کورنجه تعینیه قالمیشانلر ایسه بیلیمورلرکه آخرک عیبی یاد ایتک کنندیننده کی قصوری بشقه لرینه اخطار ایتک دیمکدر .

اوله یا ! نقیصه تکبر ایله معلول اولان بر آدم بشقه سنک کبری نی ذم ایتدیمی هیچ فرقنه وارمقسزین کنندینی ذم ایتمش اولور .

نقصانی اعتراف ایدیور حکمنده در . زیرا کنندیننده اولیمان برمزیتک وجودینی ادعا ایتک ، کنندینسک راغب اولدینی برمزیته بشقه لرینی ترغیب ایتک ، کنندینسده موجود معایی بشقه لرینه اسناد ایله تقییحده بولنمق اولسه اولسه دیکله یئرله کنندی فضل وکمالی آکلاتمق ، خلقی ارشاد ایتک استدیکی غایته کنندینسک واصل اولمش بولندینی کوسترمک ، بشقه لرینی حقنده تعین ایتدیکی نقائصدن نفسنک ازاده اولدینغی بیلدیرمکدر ؛ تا که هر کس کنندینسده تعظیم ایتسونده بوصورتله کنندینسده بعض منافع تأمین ایلسون . ایشته او آدم بوحرکتی ایله کنندینسک هیچ برشینه ، هیچ برمزیته نائل اولدینغی نفسنه قارشنی سویلش اولیور . اوله یا ، اگر ادعا ایلدیکی کماله حقیقه صاحب اوله ایدی فضلک آناری . بوکی دعوا لره حاجت بر اقمقسزین .

رفعت قدرینه ، علو مقامنه شاهد اولوردی . هم او زمان کنندینسنی مدح ، یاخود بشقه لرینی ذم ایتکه هیچ برسبب کوره مزدی . بلکه آثار فضیلتی بومقصدی تمامیه ایفا ایدرک قلبی کنندوسنه طوغری جذب ایدردی . بناء علیه هرکیم اوصاف فاضله دن بریله تمدح کلفتنده بولنور ، یاخود بشقه لرینک قدرینی ایندیمرک صورتیه اظهار کماله طالب اولورسه ایشته او آدم فضیلتدن خالی اولدینغی اعتراف ایدیور دیمکدر . زیرا حقیقت کنندینسده شهادت ایتدیکی ایچون دیکلینلری اقناع مقصدیه یلانه مجبور اولیور .

اصول ومبانی اسلامیه تماماً وحرافاً مضبوط اولدینی کبی الی الابد مصنون ومحفوظ اوله رق قاله جقدر . هیچ بر اساس دینیمز هیچ بر صورتله قابل تغییر دکادر . بویله بر تغییر وتحویل تصور ایدن شخص احق الحقا واجهل جهلادر . مثلاً عدل واحسانک اقدم وظائف اسلامیه اولسنی قرآن میننده بروجه صراحت مذکور ، صورو کیفیات اجراییه سی بیکلرجه احادیث شریفه ایله ثابت ومشهور اولدینی حالدہ خلافه حرکتی اعتیاد ایدن بر شخص مستبد جبار طرفندن بو حقیقت قابل سترواخفا اولورمی ؟ یاخود ایفای صلاته مواظب اولیمان بر رجل فاسق نه قدر متنفذ اولورسه اولسون فرضیت صلواته دائر آیات واحادیثی احما ایده بیلیرمی ؟

جبروت واستبدادک تأثیری اولسه اولسه مستبدک کنندی مواجه سنده بو طاقم حقاقتدن بحث ایدنلره بد معامله ایتمکدن عبارت اوله بیلیر .

بو ناشر متجاسر ومتجاهلک مقصدی - استبداد وتحکم انتشار موارفه عدم مساعدده ایله رواج بوله جنی قضیه سنه استناداً - قلوب صافیة اصحابنه قارشنی بر مغالطه عوامفریبانه وتلیس کارانه سردی ایله نبوت ورسالت کبی مبانی جلیله اسلامیه بی هدم وابطال ، وتواتر ثابت اولان سیر وشائل محمدیه وایچنده قرآن عظیم الشان داخل اولدینی بوتون معجزات نبویه بی تزییف وانکاردن عبارت اولدینی اثر ملعت بر خبائتی مطالعه ایدن ذواته اخطاره حاجت کورده میز . بونک فکر واعتقادنجه علمای اسلامک یازوب نشر ایتدکاری کتابلر منب یالان ، افراد مسلمینک جزم وتیقن ایله تشرف ایلدکاری حقائق دینیه ، « دوزی » دستورینه توافق ایتدیکی ایچون ، کاملاً خطا اندر خطا اولوب یالکنز کنندینسک پیرو اولدینی جزویت یاپاسلرینک نشر و اخبار ایتدکاری مفتریات ومزخرفات عین حقیقت ایش . اخوان دینی ! اولان مسلمانلر اولنرک دیدیکنی قبول واعتقاد ایدرلرسه اول وقت جدی مسلمان اوله بیلیرلر مش !....

بو حالدہ ناشر مزبورک اصل اخوانی مسلکداشلمی بولنان ، ممالک اسلامیه به دخولی ممنوع « کونش » نامی ویریلن معهود ورقباره مظالمک معهود محررلری واولنرک امشالی اولدینی بی اشتباهدر . کتاب ضلالت تصابنه عین معامله اجرا اولنمق لازمدر .

ومن الله الهدایة والتوفیق

مناسرتلی اسماعیل حق

لاف نه قدر چوقده ایش نه قدر آزا

انسان ایچون اک فنا ، اک بیانی برصفت وارسه اوده یامدینغی سویلک ، کنندینسک سلوک ایتدیکی بریوله بشقه لرینی ارشاده چالشمق ، کنندی ایچون عیب کورمدیکی برقصوری بشقه لرینده کورنجه تعینیه قالمشقدر . بوصفله متصف اولان آدم اولاهلدر ؛ نانیاً نقصانی اعتراف ایدیور حکمنده در ؛ نانیاً مقصدی فنا ، همتی دون دیمکدر .